

## Transkription von Urkunde PRE 1386a

Ort, Datierung: Prenzlau, 1386-03-19

Signatur: Brandenburgisches Landeshauptarchiv in Potsdam, 10B Franziskanerkloster Prenzlau U  
6 A [online]

Inhalt: Eghart Melmeker: Schenkungsurkunde

Jk eghart melmeker bökenne an mynen openne brýeue dat myn müder ermegart vnde ik / eghart vorgeuen hebben den ba<sup>r</sup>uoten brüderen in der stat thū premzlow eyn bra(n)denborg(er) punt / dar scolē sy af thugen eyne thunne wines vnde teyn scillinge brandenborg(esch) tū oblaten vn(de) / den pewleren ynder seluen stat teyn scillinge brande(n)borgesche pennýnghe tū oblaten dat geýlt / scolē sý an beýnden clōsteren nemen yn deme dorpe tū clýnkow vppe eyne houe vnde vppe den / thwen hūven dý dar thū liggen dar vormals thýde albreýchtes vppe sat vnde nú struwe {struve} vppe sit / dat voreyghent ys van mynen heren deme markgreuen deme rōmer den goht ghenedich sý . / vormeyr so gheve ik vornūmede eghart vn(de) clāus melmeker myn sone . vn(de) anna myne dochther / dý thýdeke scrōder heft vn(de) vrsula myne dochtere dý etszel heft . den vorsprokenen baruoten brū=derē ynder seluen stat tū prempzlow eyne haluen steýn wasses tū ghodes dýnste vp thūnemen / de van deme chrūge thū sconenw(er)der dat ghut vōrlathe ik dý vornūmede thwe punt brandenborg(esche) / vn(de) den haluen steýn wasses yk vakegenūmede eghart vn(de) myne vorgegenūmede ky(n)dere alsōclaus / anna vn(de) ursula tū der ewicheyt lütterliken dorch ghot vn(de) dorch myner müder sýele wille vn(de) myn(er) / vn(de) myner kyndere . Dese vorsprokene almyssen tū den wine vn(de) oblaten vn(de) dat vornūmede was scolē / desse vornūmede brōdere alle yar ewich vpbōren tū sūnte mertens dage vn(de) wes dar ouerloppet / van reýnthe wegen dat bēholde yk vp den vorsprokene houe vn(de) den thwen hūuen dý dar thū ligge(n) / Dat dýt blýue(n) scal thū eyner ewicheyt . dat thūge yk eghart melmeker . claus myn sone . thýdeke / scrōder . vn(de) etszel dý myne dōchtere hebben . Vn(de) thū eyner grōter būwaringe so hebbe wý vornūmede / thūge met vnser witscap vnse yngezegel an dessen brýf ghehangen etc Dese bryf ys gegeuen na / godes bort duzent yar dryhundert yar yn deme sesvndeachtentýchste(n) ) yare yn deme mandage na / deme anderen sūndage yn der vastene